

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第二四〇冊

責任編輯：孫言誠 賀 偉

ISBN 7-5333-0535-3



26397
01/26397

四庫全書存目叢書·史部二四〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.25 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二四〇冊目次

史部·地理類

廬山志十五卷(二)

〔清〕毛德琦撰
復旦大學圖書館藏清康熙五十九年順德堂刻本

.....一

玉華洞志六卷附慶玉華詩一卷

〔清〕陳文在撰
浙江圖書館藏清康熙刻雍正增刻本

.....二五〇

羅浮山志會編二十二卷首一卷

〔清〕宋廣業撰
中國科學院圖書館藏清康熙宋志益刻本

.....三七六

羅浮外史一卷

〔清〕錢以塏撰
上海師範大學圖書館藏清康熙刻本

.....七三五

廬山志十五卷(二)

〔清〕毛德琦撰

復旦大學圖書館藏清康熙五十九年順德

堂刻本

附《四庫全書總目·廬山志十
五卷》提要

廬山志卷八

星子縣知縣毛德

山川分紀七

五老峰東南至白鹿洞書院

白鹿洞書院

五老峰坡陀南下如頓萬馬忽笑起一山而四山環之
是爲後屏山其下爲白鹿書院

〔洞志〕白鹿洞者唐李渤讀書處也初貞元中渤與其
兄涉俱隱廬山而渤養一白鹿甚馴行常以之自隨

廬山志

卷八

順德堂

人因稱爲白鹿先生而謂其所居曰白鹿洞寶曆中
渤爲江州刺史卽所隱地創臺榭以張其事而鹿洞
遂盛聞于人矣其後唐末兵亂郡學校廢壞高雅之
士往往讀書講藝其中南唐昇元中始建爲學置田
聚徒以國子監九經李善道爲洞主名曰廬山國學
四方之士受業而歸出爲世用名績彰顯者甚衆宋
初因置爲書院益拓而大之與睢陽石鼓嶽麓三書
院並名于天下當是時學徒常數十百人太平興國
丁丑從知江州周述請賜國子監印本九經驛送至

洞後又官其洞主明起爲褒信縣簿歲壬午始置南
康軍并學而洞乃屬南康咸平壬寅猶詔有司脩繕
然自有南康學而洞事浸浸墜矣祥符初直史館孫
寬以年及乞致仕願得白鹿洞故址歸老詔許之歸
未至洞而卒祥符中寬子比部郎中琛卽洞旁築室
十數楹榜曰白鹿洞書堂俾子弟講習四方有來學
者輒饋食之以此著聞於時當塗郭祥正爲記勒石
其後兵亂室焚記石徙天慶觀其後天慶觀亦焚記
石遂燬不存淳熙己亥朱晦翁來守南康甫至卽檄

廬山志

卷八

二

順德堂

教授楊大法司戶毛某看詳既又躬至鹿洞周覽之
悉得其可脩舉狀因具上尚書省言鹿洞乃昔賢嘉
遜之地先朝常卽以養士德意甚厚而一廢遂不復
振爲吏者不得不任其責除已一面計畫置堊行脩立
外竊緣書院工役雖小名額具載國典請檢會太平
興國中節奉指揮送本軍爲法守不使至淹沒其後
又劄上尚書并丞相言願得比祠官例爲白鹿洞主
假之稍廩使得終與諸生講習其中猶愈於崇奉異
教香火無事而食也其後又具疏請依嶽麓書院例

賜白鹿洞書院額并給賜高宗御書石經及九經疏
論語孟子等書皆格不行備是時朝野訥訥傳以爲
怪其後晦翁還浙東提舉入奏對延和殿具言白鹿
洞書院太宗真宗造士之意甚深非下吏淺識所可
窺測今老佛之宮布滿天下大都逾百小邑亦不下
數十而公私增益勢猶未已至于學校則一郡一邑
僅置一區附郭之縣又不復有盛衰多寡相懸如此
有司者不彼之正而反疑臣之請何也夫無御額賜
書爲流俗所輕廢壞無日非陛下所以玉揚前烈嘉

廬山志

卷八

三

順德堂

惠斯文之盛心也臣謹昧死請於是孝宗始允可之
元末兵廢明正統中南康守羅溥福乃始得其遺址
于榛莽中而振起之書院由是復興其後御史陳銓
提學僉事李齡副使蕭葵仰賀慕清李夢陽知府劉
兌呂袁懋貞王養正徐士儀相繼修之虞集胡儼彭
時李賢張元禎李齡何喬新皆有記

書院有禮聖殿

〔祠志〕初朱文公爲浙東提舉時以錢三十萬屬南康
軍守錢闢詩建禮聖殿後廢明正統中知府羅傳福

重修易名大成弘治中提學蕪荊再建復名禮聖植
雙桂於殿前

〔吳志〕太極亭在聖殿後數百武

御書閣

〔續志〕在葵倫堂前南康郡守周燦建康熙丁卯

御賜朱子學達性天扁額及十三經廿一史又

頒古文淵鑒朱子全書周易折中俱藏閣上

明倫堂後改葵倫堂

〔洞志〕葵倫堂在禮聖殿東翟溝福建蕪荊重建有

廬山志

卷八

四

順德堂

勅賜白鹿洞書院并邵竇正學之門二扁

〔石〕劉文公簡黃商伯二帖嵌葵倫堂東壁有石華表

扁曰山水輝光

〔續志〕堂後有思賢亭王養正改爲雲章閣

宗儒祠

〔洞志〕宗儒祠卽三賢祠朱子旣去郡諸生爲立生祠

於講堂西公開遺書撤之歿後開禧乙亥諸生遂繪

濂溪二程及文公像合祀於講堂後廢明翟溝祠爲

守於大成殿左立三賢祠祀李賓客周子朱子配以

陶淵明劉凝之陳了翁劉道原弘治戊午提學蕪荊

止模周朱二公像于中而遷五賢主於別室提學邵

寶配以朱子之從遊于洞者十四人改曰宗儒祠後

趙淵并祀象山易名崇儒祠萬曆間提學錢楨又并

祀王陽明增陳經歸皓配享仍標宗儒祠〔石〕劉王守

仁大學中庸古本在祠東壁湛若水海濶天空四字

在祠西壁

〔續志〕楊廉李夢陽宗儒祠記具洞志

紫陽祠

廬山志

卷八

五

順德堂

〔續志〕康熙庚寅郡守張象文據教授熊士伯詳請建

祠於葵倫堂東專祀朱子題曰白鹿洞紫陽書院以

從遊鹿洞者黃幹等十四人配張象文有記載洞志

康熙壬辰

詔天下學官升朱子於十哲次配享

〔洞志〕朱熹字元晦學者稱晦菴先生新安人淳熙間

知南康軍勸學教民興利除害築紫陽堤以泊舟楫

至今賴之星子土瘠稅重乞從蠲減章凡五六上歲

值不雨講求荒政多所全活數詣郡學引進士子與

之麟論訪求白鹿遺址奏復其舊請賜書院勅額及
高宗御書石經版本九經註疏等書條列教規以示
學者每休沐輒一至諸生質疑問難誨誘不倦退則
相與徜徉泉石間竟日乃還後遷提舉浙東召對延
和殿言甚切直又言白鹿書院請賜書額先是執政
使人諭先生且宜勿言先生因念主上未必有鄙薄
儒生之意而大臣先爲此言不可及對卒言之去郡
後每遺書諸賢倦倦以洞學爲念興復倡明之功不
可具述詳白鹿書院志

廬山志

卷八

六

順德堂

〔洞志〕王守仁字伯安餘姚人倡明正學以良知爲宗
正德辛巳間巡撫南贛按南康詣書院增置學田學
者稱陽明先生謚文成

先賢祠

〔洞志〕先賢祠在文會堂前以祀李博士涉李賓客勛
李洞主善道朱助教弼明洞主起劉洞師元亨劉西
澗煥劉秘書恕陳司諫璵李提學齡朗洞主居仁蘇
提學葵邵提學寶葵提學清陳御史銓唐御史龍其
十六人提學葛寅亮穆宗儒祠左祠後有井李夢陽

肇自爲銘今理

忠節祠

〔洞志〕忠節祠祀諸葛武侯陶靖節在宗儒祠南春秋
則合祀於先賢祠序於李博士上萬曆辛卯郡守田
琯改建於洗心橋東春秋專祀饗以少牢後提學葛
寅亮移於文會堂右

文會堂

〔洞志〕文會堂在葵倫堂右宋嘉定間朱寺正建明翟
溥福蘇葵先後再建〔石刻〕湛若水四勿箴心性圖說

廬山志

卷八

七

順德堂

〔續志〕喻義亭在文會堂後

白鹿洞

〔洞志〕初鹿洞有名無洞正德初南康守王濂乃闢葵
倫堂後山爲之築臺於上曰思賢臺知府何澹鑿石
鹿置洞中嘉靖中御史曹朴亭於臺上曰思賢亭自
爲記今廢

〔石刻〕先賢書院白鹿勝跡景賢臺思賢臺并李時達
書白鹿洞天何遜書思賢臺劉世揚書理學淵源樹
崖書俱在臺畔

〔李夢陽〕白鹿洞詩白鹿昔成群鹿去誰復來樵子暮
行下洞中雲自開

有水自愛雲峯來經書院東流出峽爲貫道溪橋曰貫
道橋

〔桑疏〕貫道溪者犀牛折桂之水也

〔洞志〕貫道橋在櫺星門外文公所名自爲記景泰時
郡守陳敏政重建隨圯提學李齡郡守田瑄先後重
建胡居仁有記亭其上曰遊息亭命工甃以石如枕
流橋制

廬山志

卷八

八

順德堂

書院之西有原泉亭

〔續志〕原泉亭千建邦建

〔千建〕邦原泉亭詩〔桑〕桑卷石結層臺爲有蠅廬傍水

開山下流泉今始見知從一六個中來 願望亭成

草露披風流不羨晉人奇勛來座上祛魚蠹倦向溪

邊理釣絲

書院之西有釣臺石釣臺亭

〔桑疏〕釣臺石在貫道溪北〔石〕刻文公釣臺二大字刻
世揚意不在魚四字

〔桑疏〕釣臺亭李夢陽建自爲記并書碑〔石〕刻太原喬
字五老峯三大篆字在碑陰

〔李夢陽〕釣臺詩終日釣石坐清波閒我釣拋竿望山
月回見衆魚遊

〔李夢陽〕釣臺亭成詩颯颯風礪瀉崇崇山石峻卜構
倚岑削簷檻闕奔迅俯之終一壑仰面已千仞歌浮
竟日夕載色掖英俊故杉改新蔭魴鯉况克叔本輕
任公釣詎慕庖丁亦素臆裊延蔓商氣斂芳潤臨深
悟遠與親逝識大順却笑矜名子羨魚亦何吝

廬山志

卷八

九

順德堂

〔鄒元標〕釣臺亭詩山頭一片石人傳舊釣磯萬竿秋
色琅相對已忘機

又西有漱石

〔石〕刻文公漱石二大字在上彭治尋樂處三字在旁

〔洞志〕漱石在釣臺石西溪水湍激處

書院之前有卓爾山其巔有高美亭其西有大意亭聽
泉石其南爲觀德石

〔洞志〕卓爾山在貫道溪南提學鄭廷鵠爲之名

〔桑疏〕高美亭在卓爾山巔嘉靖中御史徐岱建山巔

舊有光風霽月亭後移於風零石北岸今廢

〔洞志〕大茂亭在高美亭西正德時御史唐龍建自爲記大意亭西舊有白鹿精舍今廢〔石劄〕文行忠信四大字字徑數尺文公書陳綽摹刻在精舍北礪石上聽泉二字在文行忠信石上觀德二字在文行忠信石南厓俱文公書

〔張時徹高美亭詩〕諸峯已愜意更有最高亭密樹斜圍屋繁花間作屏岩深朝礙日簷靜夜垂星騎鹿何年客食霞養性靈

廬山志

卷八

十

順德堂

大意亭西南有鹿眠場

〔石劄〕文公鹿眠處三字李夢陽鹿洞二大字

流杯石又西有朋來亭

〔洞志〕流杯池其厓有石劄文公流杯池隸字文公常與其徒環石而坐流觴浩歌其上有流觴二字亦文公筆也蔡可泉書吾與點也之意六字千古不磨四字

〔洞志〕朋來亭提學王宗沐建在思賢臺北山絕頂今廢

廢

〔王宗沐新構朋來亭詩〕孤亭縹緲四無隣今古佳處望裏春俯仰乾坤須着此主張風月更何人洗心賴境終非靜避俗躋山亦是塵未喪斯文吾黨在莫教虛度電光身

〔鄒元標朋來亭詩〕聖賢久寂寞六籍總榛蕪夜夜庭前月相看自不孤

東有洗心橋又東有勸書堂亭於其上曰獨對亭

〔石劄〕砥柱二字李夢陽書在橋東溪石上觀瀾二字彭治書在砥柱南逝者如斯四字原敬書

廬山志

卷八

十一

順德堂

〔系疏〕勸書堂宋李萬卷勸書處也厓石峻削下臨湍澗萬卷不知其名〔南康志〕李萬卷宋元祐間讀書白雲菴仕至丞相卒葬白鹿洞側然宋史不載其人墓亦不知所在

獨對亭又上有好義亭

〔洞志〕獨對亭在勸書堂上弘治中鄒寶建并書扁自爲記李夢陽爲銘

〔系疏〕好我亭嘉靖中都御史何遷建

〔王守仁獨對亭望五老詩〕五老隔青冥尋常不易見

我來騎白鹿凌虛陟飛嶽長風捲浮雲寧惟始窺面
一笑仍舊顏媿我髮先變我來爾爲主乾坤真過傳
海燈照孤月靜對有餘春彭蠡浮一杯賓主聯酬勸
悠然萬古心懸契可無辯

〔舒芬〕獨對亭次韻孤蓬出吳城五老彷彿元堯與上
南康乃獲陟肯綮有開元古初今時識顏面屹然東
南鎮不逐滄桑變佳生竟何在白鹿却留傳茲修便
巨儒煙霞入情春費字既振作誨言重後勸咫尺濂
溪水源流許誰辯

廬山志

卷八

十一

順德堂

〔鄒守〕獨對亭次韻名山展屨躋匡廬久未見褰衣
泛扁湖振策凌絕嶽一笑六合亭始識五老面烟雲
異晨昏仙標歸不變顧憐塵寰中白駒走翻傳叩首
無極翁絕學天所存皇皇白鹿規逸駕競相勸矢言
二三子無負義利辯

〔彭夢祖〕獨對亭詩亭開爲招五老峯安主相對常從
容寒雨一天洗苒面清風兩腋騎茅龍雲霞潤口養
白鹿水繞一厨燒青松卽有蓬萊難勝此我來日日
採芙蓉

聽泉石東爲風零石風零亭

〔洞志〕風零石上蔭喬木下俯清流文公每與諸生列
坐其下〔石劄〕風零二字隱處二字在風零石上流杯
二字在風零石下皆文公書

〔李夢陽〕風零石詩倚崖坐孤石北對五老峯中有千
尺虹挂斷巖上松

勒書臺西有風泉雲壑亭

〔洞志〕一名崇文閣李山長建亭以石上風泉雲壑字
爲名今廢

廬山志

卷八

十三

順德堂

亭西有聖澤泉東有小三峽峽口有枕流橋

〔洞志〕聖澤泉在風泉雲壑字下〔石劄〕聖澤之泉四字

〔石劄〕風泉雲壑四字陳淳題書在勒書臺下

〔題誌〕慶元丙辰之臘月太守黃陵趙公修白鹿書院
十有六日知縣事梁翊以督役至此教授吳中堂長
吳堯佐學錄余坦直學趙規

〔洞志〕貫道溪流與書院左小水合而出峽飛湍陡絕
號稱小三峽

〔流〕枕流橋在峽口峽口之石富有先賢遺跡宛宛

可讀峽壁有朱文公勅白鹿洞書院六大字溪石有朱文公枕流二大字

〔橋南題志〕永嘉陳淳祖假守是邦被命造朝以書考日謁辭鹿洞會講預者元察於丘連山林棟堂長陶桂一洞正○○與仁前洞正主祠○錄張傳一講書劉○○陶應子黃有開堂書杜端甫直學傳仕龍歐陽綱學諭與諸生幾百人景定庚申夏月旦日題

〔洞志〕枕流亭今廢胡泳題志番陽李侯駿嘉定戊辰歸自武昌訪書院經小三峽愛清泉之奔流懸崖之

廬山志

卷八

十四

順德堂

對峙出崇巖與白鹿洞諸生胡亭峽上後十年戊寅郡人胡泳以三山黃公幹所畱郡守陳宓復鼎新崇大之扁以枕流亦莫揆首辨之由也又四年壬午李侯守池陽泳客於池昉聞其始末乃秋侯之子仁廣甥夏昌宇昌辰實來合洞之士友七十有八人舉酒亭上相與歎歲月之易流幸來者之有繼也因書其事刻巖崖石七月壬申胡泳題

〔洞志〕百花亭亦李萬卷建與枕流亭隔溪相對今廢〔洞志〕白潔亭在洞口今廢陳宓題志朱文公嘗書此

名洞溪今逸其蹟嘉定乙卯莆田陳宓謹書又自漱二字陳宓書在題志側鹿洞二字朱子書蹲鹿坡方豪書俱在自漱字側

〔胡居仁枕流石詩〕三峽澗頭眠巨石字有枕流畱古跡一枕千年永不移清流晝夜無時息

〔石劄〕瞻彼白鹿文猶在茲高山仰止逝者如斯十六字陳沂書在小三峽壁

枕流橋北有廻流山山巔有六合亭

〔洞志〕六合亭正德辛未南康守劉章建李夢陽爲記

廬山志

卷八

十五

順德堂

〔系疏〕小三峽水過枕流橋北溪石齒齒激水又南有小溪來會之水益湍怒洶洶有聲流一里所有山雄雄當水所行道溪流觸之遂折而南故名其山曰廻流山

〔李夢陽廻流山詩〕登山眺四極一坐日每夕行看夜來徑苔上有鹿跡

〔李夢陽廻流山亭詩〕亭高山盡入回首見鄱陽天地開吳楚絕歌有宋唐峯雲低樓白湖日倒碑黃六月吾來此涼風不可當

桑疏廻流山下有石華表扁曰前修逸蹟

山東有流芳橋又東有溪口橋益東五里所有白鹿源石橋

石劄陳泌流芳二大字在橋北

洞志流芳橋一名濯纓橋在石華表東陳泌題志新安朱侯在郡時建橋面直五老溪流紺潔未之名同遊江西張珏羅思姚鹿卿闕張紹燕潘柄郡人李燾胡泳繆惟一會講洞學畢相與歌文公之賦特名流芳旣揭櫓間因紀岸左嘉定戊寅四月丙午莆田陳

廬山志

卷八

十六

順德堂

泌書

洞志溪口橋在廻流山東二里許俗呼觀音橋其北有石華表知縣崔孜建李夢陽扁曰白鹿洞書院

桑疏中館舖在溪口橋南

洞志白鹿源石橋去書院五里許在羅漢嶺下東通驛道西入書院

桑疏朱晦翁書康節戒子孫文後跋伊川與方道淵帖跋和靖帖跋包孝肅詩並燬

其廩士有洞田散在星子縣及他縣凡二十七頃六十

八晦有奇詳載洞志

鹿洞諸賢隱居二人唐李涉李渤

桑疏李涉字清之唐人號玉溪子有詩名

洞志李渤字潛之唐貞元中與兄涉隱居廬山白鹿洞後徙嵩山元和初以右拾遺召不拜昌黎韓愈遣書勸之渤始出家於東都每朝政有闕輒封章上之尋遷右補闕歷考功員外郎長慶間出刺處州改江州尋召還至諫議大夫卒贈禮部尚書渤歷事三朝有直諒聲雖屢以言斥而耿介不挫

廬山志

卷八

十七

順德堂

六帖李渤隱廬山據古蘓德高蹈者楚接與老萊子黔婁先生於陵子王仲豫梁鴻六人圖其像贊之以自警

讀書洞中唐顏翊南唐伍喬江爲

洞志顏翊魯公之後少孤篤志先業又善詞翰謹禮法子第二十餘人從受經白鹿洞三十餘年進修不急後從仕

一統志伍喬廬江人南唐時讀書廬山國學一夕見人掌自牖中入有讀易二字喬因取易讀之探索精

徵道數年出與郡計試畫八卦賦喬中第一官考功郎

〔洞志〕江爲梁侍中淹之後與廬陵劉洞同師處士陳貺讀書鹿洞二十餘年昇元中元宗視學見其題壁詩甚稱之竟不第洞嘗爲詩自謂得浪僊遺態云宋楊徽之劉式劉元亨荆簫段鵠元黃異

〔洞志〕楊徽之字仲猷建州浦城人南唐時讀書白鹿洞後仕宋爲諫議大夫遷翰林學士太宗常書其詩十聯於御屏景祐二年贈太子太師謚文莊

廬山志

卷八

十八

順德堂

洞志劉式字叔虔清江人南唐時讀書白鹿洞試三傳狀元及第太祖素重其名以爲鴻臚大理丞五子相繼登第諸孫敞攸尤以文學顯晦翁白鹿洞所藏漢書跋熹旣爲劉子和作傳其子仁季致書以其先人所藏漢書四十四通爲謝時白鹿書院新成因進使藏之以脩學者看讀子和五世祖磨勘府君式南唐時讀書此洞後仕本朝有名太祖時其孫敞攸皆爲聞人今子和弟子激之家尚藏其手抄孟子管子書云是洞中日課也月日朱熹仲晦父書

〔洞志〕劉元亨字子嘉南康人宋初讀書白鹿洞博貫經史有操行諸生百餘人咸師事之

〔洞志〕荆簫宣城人家貧好學讀書白鹿洞以文章稱太平興國五年進士殿中丞後歸隱廬山

〔洞志〕段鵠字正己廬陵人端拱進士入廬山國學讀書十餘年

〔洞志〕黃異字民同贛之後讀書白鹿洞官惠州學錄後陳友諒據江州聘之不起

至洞五人南唐李善道朱淵

廬山志

卷八

十九

順德堂

〔洞志〕李善道爲國子監九經昇元中以善道爲白鹿洞主學徒百人皆爲時望

〔洞志〕朱弼廬山國學助教勤持禮法學者多所造就

宋明起

〔洞志〕明起宋太平興國中爲白鹿洞主

明胡居仁蔡宗充章潢舒曰敬

〔洞志〕居仁成化間提學李齡請主洞事

〔桑疏〕胡居仁餘干人敬齋先生也初洪都諸當道者使使以幣走新會迎白沙陳先生來主洞事辭不至

已乃聘敬齋既入洞銳意倡明聖賢之學且薦其徒
有行義者陳大中輩三數人共事非當道意遂謝病
去敬齋躬耕半力行有聞君子以爲賢於吳康齋
云

〔洞志〕蔡宗克字希淵山陰人舉進士御史唐龍上疏
起爲白鹿洞主詔授南康府教授至白鹿洞都御史
王守仁遺五十金毋公署會公署成乃屬以郡增置
學田士林稱之

〔洞志〕章潢字斗津南昌布衣萬曆壬辰禮聘至洞有
廬山志

卷八

二十

順德堂

爲學次第八條以教學者

〔洞志〕舒曰敬號硯石南昌人萬曆壬辰進士丁巳知
府袁懋貞申呈兩院聘至洞事至今諸生祇行論文
必以舒先生爲法云

與朱子往來洞中者二人陸九淵劉清之

〔洞志〕陸九淵字子靜號象山金谿人乾道八年進士
累官祠門守謚文安子靜常與文公會鷺湖論辯多
不合文公守南康時子靜與其徒朱克家等至自金
陵請書其兄子壽墓銘先生引與俱至白鹿書院升

講堂子靜以君子小人喻義利章發論聽者至有泣
下先生以爲切中學者隱微深錮之病請書於策以
誌同志

〔洞志〕劉清之字子澄叔度五世孫也甘貧力學登紹
興進士第累官袁州守清之與文公交遊甚厚常訪
文公於南康止白鹿洞有同遊三峽諸作

朱子門下講道洞中十四人林擇之蔡沆黃幹呂炎呂
鰲胡泳李燔黃灝彭方周邦彭蠡馮椅張洽陳宓

〔洞志〕林擇之字用中閩人從文公遊最久晦翁守南
廬山志

卷八

三十一

順德堂

康時擇之來講學洞中

〔洞志〕蔡沆字仲默號九峯建陽人文公門人作尚書
傳

〔洞志〕黃幹字直卿號勉齋閩人學於文公文公常曰
直卿志堅思苦與之處甚有益後以子妻之病革時
以深衣及所著書盡與幹曰吾道在是矣後入廬山
訪李燔陳宓相與盤桓玉淵三峽間俛仰文公舊跡
講乾坤二卦於白鹿書院山南北之士群集聽焉
〔洞志〕呂炎字德明呂燾字德昭建昌人兄弟五人同

遊文公之門而交與黉尤知名

〔洞志〕胡泳字伯量建昌人文公門人稱桐柏先生

〔洞志〕李燭字敬于號弘齋建昌人紹熙初登進士從文公於建陽文公之沒也會學禁嚴而燭獨率其同門往會葬焉後郡守請爲白鹿書院堂長講學之盛他郡莫比卒謚文定

〔洞志〕黃灝字商伯都昌人宋隆興間進士知常州提舉常平歲凶有旨停閣夏稅灝請併閣秋苗不俟報輒行之文公守南康時灝從焉後目禁奔文公喪人

廬山志

卷八

三十二

順德堂

義之

〔洞志〕彭方字季正都昌人文公守南康時受業於門弱冠魁省闈累官龍圖學士謚文正

〔洞志〕周和字直叟星子人篤學工文以聘爲洞正三十年集朱子語錄

〔洞志〕彭蠡字師範都昌人文公門人仕至吏部尚書〔洞志〕馮椅字奇之都昌人文公門人登進士家居授徒所著易詩書語孟太極圖西銘輯說孝經章句喪禮小學孔子弟子傳續史記及詩文志錄合二百卷

〔洞志〕張洽清江人文公門人嘉定中中第通判池州請祠江東提點袁甫招洽爲白鹿書院長擇諸生好學者日與講說而汰其不率教者發士之田乾沒於豪右者復之

〔洞志〕陳宏字師復莆田人丞相俊卿之子少及文公之門長師黃幹嘉定間知南康軍有政聲公暇卽造白鹿洞與諸生講學今洞中石刻多其遺蹟改知南劍州初延平書院以白鹿洞規教之

〔系疏〕朱子門人又有曹彥約簡甫周謨舜弼余紫伯

廬山志

卷八

三十三

順德堂

秀李暉晦叔劉資煥文熊兆世卿其所居並近鹿洞然不列洞祀彥約仕至兵部尚書兆號拙逸朱晦翁嘗爲著拙逸說

賢而祀鹿洞者七人諸葛亮陶淵明周惇頤劉渙劉恕陳瓘王禕

〔張拭曰〕三代衰謀國者不復知正誼明道之貴三老董公獨得宏綱以告漢高帝惜高帝猶未盡其用也武侯乃能執其機而用之其言曰漢賊不兩立曰鞠躬盡瘁死而後已成敗利鈍非所能逆觀嗚呼此少

康四十年經營宗祀卒以配天之本心也侯可謂有正大之體矣又曰侯恢復規模先務根本拳拳焉憂後至弗克負荷出師一表專言官中府中一體且請親賢臣遠小人薦郭攸之等使在左右侯之意深且遠矣

張枋諸葛武侯像贊維忠武侯識其大者仗義履仁卓然不捨方臥南陽若將終身三顧而起時哉屈伸難平者事不昧者幾大綱既立萬目乃隨我奉天討不震不竦惟一其心而以時動噫侯此心萬世不泯

廬山志

卷八

二十四

順德堂

遺像有嚴瞻者起敬

陶淵明諸賢事俱見各類

有功鹿洞者十八人宋周述孫珠錢聞詩陳洽朱端章

黃桂劉傳漢

洞志周述太平興國中知江州上言白鹿洞學徒數

百乞賜印本九經使習業之詔從其請命國子監驛

送至洞

洞志孫琛新淦人比部郎中父冕與王欽若同郡欽

若在相位冕久次館職不調晚得蘓州卽謝事去祥

符中常乞白鹿洞以爲歸老之地詔許之未至而卒琛承先志卽其地家焉皇祐中琛增置學館以教其子弟及四方來學者餼食焉郭祥正有記

洞志錢聞詩字子言吳都人淳熙辛丑代文公知南康軍有興建之功

洞志陳洽知南康軍興學勸農建白鹿洞書院友善

堂立天下名山大川橋亭

洞志朱端章淳熙癸卯知南康軍置洞學田七百餘畝以贍四方之來學者

廬山志

卷八

二十五

順德堂

洞志黃桂嘉定辛巳知南康軍置西原莊以爲洞學田

田

洞志劉傳漢咸淳間知南康軍置白鹿洞貢士莊

元崔翼之陳炎西熊升

洞志崔翼之字鵬舉大德間爲南康守增置洞學田

百畝學士虞集記其事

洞志陳炎西至元間爲南康路總管繕修書院興學

賑饑

洞志熊升豐城人至元間爲星子令常與諸生講學